

ձանօք խնդրէր զայնս, և ընդ գրոյն առաքեաց զմահտեաի Յակոբ հաւատարիմն իւր բերել զնոսս յերուսաղէմ՝, և նոքա յանձն արարեալ առաքեցին :

Յովհաննէս Պատրիարք նախ քան զվախճանիլ իւր պատուիրեալ էր աշակերտին իւրոյ առաքել յերուսաղէմ զեպիսկոպոսական զգեստ պատարագին . լուեալ զայս Գրիգորի Պատրիարքի՝ շնորհեաց զայն Յակոբ վարդապետի, իրր արժանաւոր ժառանգ պատուոյ հոգեւոր հօր իւրոյ, այլ նորա ոչ ընկալեալ զայն՝ փութաց կատարել զկտակ հանգուցելոյն, առաքելով ընդ Սեղբոս Ամիրայի, որ եկն յուխտ յերուսաղէմ որդւովք և ընտանեօք, և յանձն արար 'ի ձեռս Գրիգորի Պատրիարքի (1741. 'ի 18 Յուլիսի) : Որք են այսոքիկ՝ 1 Թագ եպիսկոպոսական ասղնեգործ մարգարտով և պատուական ակամբք . 2 եմփորոն գործ ասղանի . 3 կոնքեռ . 8 փէչ տիպայ չուրջառ մին անկար . 12 դեղեցիկ շապիկ . 1 կորփուրայ . 1 արծաթի սկիհ . 1 մասնատուփ . 3 արծաթի հաղորդի աման . 1 մինէլի արծաթ դօտի . 3 գաւազան . 2 սկիհ ծածկոց Ֆրէնք փէսէնդ . 1 շղարչ . 1 զոյգ ասղնագործ հողաթափ . 1 փորուրար . 1 զոյգ բազալան . 1 Աւետարան մագաղաթ ոսկետուփ գոհարակնեայ . 1 Աւետարան փոքր մագաղաթ ոսկետուփ . 2 զոյգ արծաթ բուրանոց՝ և վարդի ջրաման . 3 արծաթ թաս . 4 թէլաթին մաթարայ ոսկեթել . 1 ջուխայ գորգ . 1 մինէլի արծաթ խաչելութեան պատկեր երեք փեղկեան . 1 տպանոս գաւազան՝ բոլոր գլուխն ոսկով և պատուական ակամբք :

Ի սոյն աւուրս Արարացի աւաղակք հասեալ 'ի գիշերի պատեցին զվանս Ս. Փրկչի, և կործանեցին զորմն հիւսիսային յարեւելից յարեւմուտս . Աթոռակալ Գաբրիէլ վարդապետն և Պօղոս թարգմանն ազդ արարին գատաւորին, և նա գրեաց առ ճարտարապետ քաղաքին, և ապա ելին բազմութեամբ այլազգեաց 'ի քննութիւն, և չափեալ ըզկործանեալ տեղին՝ գտին 8 կանգուն յերկայն՝ և բարձրութիւն կանգուն 6 . և զորմն արեւելեան խախտեալ կանգուն 5 : Ապա հրամանաւ գատաւորին և քաղաքապետին շինեցին Հայք զկործանեալ տեղիսն, և խցին զճակոտիս պարսպին՝ զի աւազակք զետեղէին 'ի նոսս զմատուռս ոտից իւրեանց և կռուեալ ելանէին 'ի վեր . շինեցին նաեւ